

Hato Ka Wah Myntdu Kan Kylla Wah Umkhrah?

This blog in Khasi was first published in English as: Bhogtoram Mawroh, 'Is Myntdu Doomed to Become the Next Wah Umkhrah?' available on this [link](#)

BHOGTORAM MAWROH

Ka jingleit sha Jowai, teng teng ka pynkynmaw ia kito ki por kiba la leitnoh mynba ki tyllong um bad ki wah kiba tuid lyngba ka Sor Shillong ki dang im, ki dang khuid bad shngiam. Nga heh nga san ha ka shnong kaba don ha syndah jong ka shnat wah kaba tuid bad pynlong ia ka Wah Umkhrah. Nga kynmaw kyndiang ia ki por ba ki briew ki dang ia tong dohkha da ka khoh. I wahduid iba tuid i noh na ki kynjang ba pynlong ia ka khsaid bad ban ãatuid lang bad ka wah Umkhrah lyngba ka Demseiñiong, Polo bad lynter ha shuwa ba kan ãashem lang bad ka wah Umãam.

Ka dur jong ka wah Umngot kaba khuid khliir khliir ka dei na ka bynta ki nongingoh pyrthei. Lada katno katne snem mynshuwa yn don ba ãathuhkhana ia ngi ba kane ka dur ne ka jaka kan khring ia ki nongshang pyrthei, ngin jin da la rkhe. Balei ba ki briew kin wan shitom shaduh shane ban wan peit ia kane ka wah? Ka por ka la kylla bad ka wah Umkhrah mynta ka la kylla



long ka nala, ym dei shuh ka wahduid kaba khuid khliir khliir jong ka mynnor. Hato ngi lah ban ãohi biang ia ka jingkhuid bad jingitynnad jong ka? Ngam lah ban tip. Hynrei ngi don ka jingkitkhlieh kaba khraw ban ãada ia kiwei pat ki wah ne ki tyllong um ba kin ym kylla kum ka wah Umkhrah. Kane ka pynphai khmat ia ngi sha ka wah Myntdu kaba kie sawdong ka shnong Jowai.

Mynshem tañew nga la synran ia ki katto katne ngut ki paralok sha ka jingãalang kaba long ha

Thadlaskeiñ bad ãashemlang bad kiwei pat ki nongshong shnong jong ka shnong Jowai. Kane ka kynhun ka kynthup ia ki heh sorkar kiba la shongthait, ki riewtreimon sngewbha bad katto katne kiba dei ki riewpawkhmat. kum i bah H.H Mohrmen, ki ãadonlang ha kata ka jingãalang. Nalor kiwei, u don sa uwei pat u rangbah uba nga la ju ãohsngew bad bna ia ka kyrteng jong u, tangba ngam pat ju ãakynduh markhmat bad uta u dei u Khroo Lamsalanki Pariat. Une u dei u nongãakhih ban ãada ia ka



mariang bad u long ruh u President jong ka Khooid Ya Ka Wah Myntdu (KYM). Kane ka seng ka la uxor ruh hakmat ka National Green Tribunal ha kaba u la kynnoh ba ka surok PWD kaba shna thymmai jong ka Sorkar Meghalaya ka ktah jur ia ka wah Myntdu bad ia ki jingim kiba don hapoh jong ka. Ngi ñaleit khnang sha kane ka jingñalang ban sngewthuh shai ia kane ka jingeh ba ki pynpaw namar ka long ruh shi bynta jong ka jingthwet jingtip jong ngi. Ia kane ka jingñalang la pynlong da u samla pule, uba u mama jong u, u dei u nonghikai college ba la shongthait bad u ñadon lang bad ngi ha ka jingñalang.

U Khroo Lamsalanki Pariat u la ñathuh ia kiba wan sha ka jingñalang shaphang ka mukutduma kaba don ha NGT. Na ka jingñathuh jong u lah ban sngewthuh shai ba ka wah Myntdu ka don hapdeng ka jingma bad kane kam dei ka khubor kaba sngewtyinnad ia ki

nongshong shnong ka shnong Jowai kiba shaniah ia ka umbam umdih jong ki na kane ka wah. U la bteng shuh shuh ban ñathuh ia ka jingkordor jong kane ka wah ha kaba ñadei bad ka jingngeit niam ne ka jinglong kyntang jong ka. Kumta kane ka wah kam dei tang ka tyllong umbam umdih, pynban ki blei ba ki nongshong shnong ki dang nguh dang dem haduh mynta mynne ki don ka jingñadei kaba jan bad ka shnong Jowai bad ki shnong ba marjan. Kiwei ki nongkren ruh ki la ban jur halor ka jingkordor jong ka wah Myntdu bad kumno ba ki la pyrshang ban pynim pat ia ka ha kine ki phew snem kiba la leit noh bad ka KYM ka dei ka kynhun kaba dang trei borbah haduh mynta. Pynban ki jingpyrshang ban pynim pat ia ka wah Myntdu ki la ñakynduh mawsiang namar ka jingroi jong ka sor Jowai ha ka jingbun briew bad kiwei. Nalor nangta, ka jingpynkheiñ ia ki aiñ ba la thaw da ka sorkar ka pynlong ia kata ka jingñakhun ban pynbha

pat ia ka wah kaba jwat. U Khroo u la pynbeit bad ñalam ia ngi sha rud ka wah khnang ba ngin sakhi ia ka jingma kaba ap ia ka wah.

Nyngkong ngi la leit jngoh ia ka khsaid Tyrchi kaba don ha ka shnong Khliehtyrchi. Ka wahduid kaba pynlong ia kane ka kshaid ka dei ka shnat wah kaba tuid shapoh ka wah Myntdu bad ka ñasnoh bad ka wah Myntdu ha ka shnong Pynthor Neiñ. Ka Pynthor Neiñ la tip ia ka kum ka shang jingbam jong ka shnong Jowai. Haba ngi ñeng najrong, lah ban ñohi ia ka pyntha kba kaba ñar bad kaba kup da ka rong jyrngam, kaba pynpaw ia ka jingsdang jong ka añom synrai hashuwa ba kine ki hali kin kylla rong ksuar. Katno ka jingithiang jong kita ki pyntha bad ka dur kaba ngam pat ju ñohi ha ka jingim jong nga. Ka wah Myntdu bad kiwei ki shnat wah ki bsa um sha kine ki hali bad nangta kan kie pyllun ia ka shnong Jowai ha shuwa ba kan tuid shaphang shathie bad ñasnoh lang bad kiwei ki shnat wah kiba bun bad nangta ban ñatuid lang haduh ba kin da theh ñalade ha ki them jong ka Sylhet ne Shella-Hat. U Khroo u la kdew ruh ia ka shnong Mihmyntdu kaba don sha shilliang jong kita ki pyntha kiba ithiang. Ka tyllong jong ka wah Myntdu ka mih napdeng khlaw kaba don ha Mihmyntdu bad la ñathuh ba tang ki kur kiba

don ka jingladei bad kane ka khlaw ki bit ban leit sha ka tyllong um jong ka wah Myntdu. U Khroo u la ìathuhkhana ruh ba ki ryngkew ki basa kiba im ha kata ka khlaw kim shah ban pynñakhlad ia kane ka khlaw bad kine ki dei ki khana kiba ktik ia ki jingmut jingpyrkhat. Ki khana ki pynpaw ruh ba ki nongshong shnong ki ñiewkor haduh katta katta ia ka wah Myntdu.

Nangta pat, ki la ìalam ia ngi sha ka shnong Jowai bad kdew kumno ki briew ki pynkheih ia ki hukum jong ka NGT ban ym shna ìing ne tei jingtei hapoh 50 meter na ka wah. U Khroo u la pyni ia ngi ia ki artylli ki ìing kiba la tei harud ka wah Myntdu kaba long pyrshah ia ki kyndon aih jong ka NGT. Ki la ìalam ruh ia ngi sha ka jaka kaba ki shna ia ka surok bypass bathymmai bad dei halor kane ka bynta ba ki la ujur da ka mukutduma ha ka NGT. Kane ka surok ka dei ka surok kaba ìaid narud ka shnong Jowai sha Dawki. Kane ka surok bypass kam dei kaba jrong bad ka jingduna jong ki kali kiba ìaid na kane ka surok ka pynpaw pynban ba ka jingshna ia kane ka surok kam phoida ei ei. Hynrei kaei kaba mih na ka jingshna ia kane ka surok thymmai ka long ba ki maw, ki shyap bad khyndew kiba mih na kaba pom ia ki lum ki la tuid bad lang lut harud ka wah Myntdu. Ki maw thup bad ki shyap kiba lang harud ka



wah ki la pynkhim ia ka lynti ìaid jong ka wah. Ki maw kiba shong kynrong ha lum bad harud lynti ki long ka jingma ia ka leit ka wan bad ka ìaid ka ìeng lyngba kane ka surok.

Katba ngi dang ìakhmih ia ka jingktah jong ka jingtih surok bathymmai ia ka wah, kyndit kynsan kawei ka kali ka la sangeh hangta bad napoh kata ka kali la mih uwei u briew bad u nongbud jong u, uba la kieng atiar. Nga ngam ithuh ia uta u briew, hynrei i kumba u ithuh ia baroh kiba don hangta bad u la khublei kti ia ki bad kohnguh khlieh de ia nga. Nga ruh nga la kohnguh khlieh lem bad ha ka jingshaong u dei uei uto u briew? Ynda ngi la wanphai sha Shillong la ìathuh ia ngi ba uto u briew u dei u Ngaitlang Dhar, u MLA ba rim jong ka Umroi bad u dei ruh uba pyntrei ia kane ka surok. Ka dei shisha ka jingjia kaba phylla.

U Khroo u kyntu ia ngi ba ngi dei ban leit jngoh ia ka jaka

pynlang umbam kaba don hapoh ka shnong Jowai bad nangta ngi lah ban ìohi sa kawei pat ka phang jong ka wah Myntdu. Ki la pyni ia ngi ia ka jaka pump um bad ka jaka kaba ki pynkhuid ia ka umbam kaba la ring na ka wah ha shuwa ban pynpoi sha ki ìing briew hapoh ka shnong Jowai. U Khroo u ìai ban ia kane kawei ba ki ophisar jong ka tnat sam umbam ki ong ha u ba ka um ka sngur tangba kam dei kaba khuid.

Dang shen ka Sorkar Jylla Meghalaya ka la pynbna ban pynitynnat ia ka khmat jong ka Wah Umkhrah bad ban pynkylla ia ka kum ka jaka jngoh kai. Ka jinglut kaba la mang na ka bynta kane ka project ka long hapdeng 39 bad 49 klur tyngka. U Khroo bad kiwei ki la kynthoh ba tang mar shiteng na kaba mang na ka bynta ka wah Umkhrah la lah ban pynim pat ia ka wah Myntdu namar ba ka wah Myntdu kam pat jur ka jingjot. Shisien pyrkhat ka sngewbiang kata ka jingong,



tangba ki don kiei kiei kiba ngim shemphang. Ha u October 2024, ka Sorkar MDA ba la lam khmat da ka NPP, ka la uxor ejahar pyrshah ia ki phra ngut ki briew, kaba kynthup ia u Chief Engineer jong ka PWD (NH) halor ka jingkyinnoh ba ki donkti ha ka jingpyndonkam bakla ia ka pisa kaba la kot haduh ₹2,366.77 klur tyngka ha ka jingpyntrei ia ka surok Shillong-Nongstoin-Rongjeng-Tura ha ka por jong ka jinglong Chief Minister u Dr. Mukul Sangma. Ha shuwa jong kata ha ka snem 2023, ka seng Congress ka la kynthoh bad thoh shi phew tylli ki kam bamsap pyrshah ia ka Sorkar MDA bad ka la kynnoh bad ha kine ki san snem ka Sorkar MDA ka la

pyndonkam bakla da ki spah klur tyngka. Lada ka seng Congress kan wan phai biang ha ka bor khlem pep kin sa mudui kylla pyrshah ia ki kam bamsap jong ka Sorkar MDA kumba ki la kynnoh. Na kine ki jingjia ngi lah ban shemphang ia kane kawei ba ka jingthmu ka long ai ba ka wah Myntdu kan nang jot bad nangta ka Sorkar kan sa thaw ki project ban pynbha. Ki ban ñoh jingmyntoi na ki kam pynitynnat ia ka wah Myntdu kin dei ki contractor kiba don ka jingñadei kaba jan bad ki nongsynshar.

Hadien ba la wai ki kam baroh, ngi la ai khublei ia u Khroo bad leit buh ia u bah Mohrhmen sha ñing bad ngi la wan phai noh sha

Shillong. Ka dur kaba neh sah ha ka jingmut jingpyrkhat jong nga ka long ba nga ñohi ia ki katto katne ngut ki samla ryngkat bad ki ryngwiang khwai kiba ñaid lynti ban leit khwai sha wah Myntdu, Kane ka pynkynmaw ia nga ia ki por jong ka jinglong khynnah kumno ba ngi shait leit jngi sha wah Umkhrah man la ka sngi sait jaiñ.

(Kane ka jingthoh ka dei ka jingsngew jong u nongthoh shimet)

Kane ka jingiathuhkhana la pynmih ruh ha ka kotkhubor Mawphor, 2 Tarik Rymphang 2026 ha ka sla ba 4.

(The views expressed in the article are those of the author and do not reflect in any way his affiliation to any organisation or institution)



Dr Bhogtoram Mawroh,
bhogtoram@watcon.org

Dr Bhogtoram Mawroh is a Research Consultant on the WATCON project. He is a geographer by training and does research and helps to design interventions on issues connected to Agrobiodiversity, Agroecology, Food Sovereignty and Indigenous Food System in North East India in general and Meghalaya (India) in particular. These research interests are complimented by activism which include organizing movements and influencing public narrative on issues of identity, nature of economic development, workers' rights, environment and policy impacts.

The project Addressing the Multi-scalar Dimensions of Sectoral Water Conflicts Through the Lens of Water Security: Lessons from South Asia (WATCON)' is hosted in the Law, Environment and Development Centre (LEDC) at SOAS. It was assessed by the European Research Council (ERC) under the European Union's Horizon 2020 research and innovation programme. It has received funding from UKRI under the UKRI Frontier Research grants scheme.

For additional information, please refer to www.watcon.org or send a message to info@watcon.org



SOAS
University of London



**UK Research
and Innovation**